

中国名山志



中国文献珍本丛书

中国名山志(三)

全国图书馆文献缩微复制中心

新学社
PDG

中国名山志目录（三）

西岳华山志·····
普陀山志·····

·····一九九一



續列萃山誌引

太華在雍域之東居泰寧即今
華陰治北枕秦關西連漢時主
兑位酉金以玉壺樹屏翰於方
維拱金湯于畿甸寓內稱雄鎮
焉余初入關過華陰謁廟下登
灝靈樓則所謂三峰者聳然在
望餘峯呈奇競秀左朝右拱不
可縷指數余以任迫弗能登亟索

志讀之志於諸峰名間具而品析
夢穀採撫掛漏蓋嘉靖間李尹
所脩者大都詳於文獻而略于事
攷志曷居焉久之余部咸陽邑
令王君家瑞為余言華志有古本
甚以間核一士人家存之願歲久魚
蛀字駁落不可讀余取觀則所
紀峰麓名勝各有分位物產藥
品各有繇植天真聖跡之所降臨

仙蹤道流之所脩隱神靈物異
之所感應無不仿載序言此志
更閱本郡圖經及劉向列仙等傳
有載華山事者悉採拾而附益
之則其用心亦既勤矣余於公餘
輒手自釐正復以近年潼關使
君張憲周氏校本互訂及所增飾
圖說並寘首編命工雕鏤於戲
太華高棟雲表俯咸京而抗四

嶽顯客資遊出人高士疇不願
一陟其顛以覩所謂蓮花松檜仙
掌石月之勝也者而不可必得則
惟有托神爽於簡編寄興會於
圖繪以為臥遊云爾而志不核不備
非守土者之責邪此書莖之七十
餘篇其金天巨靈五千仞之崔
嵬偉麗昭然凡案億萬此而
以此萃此志不朽固將共億萬

世之人共之矣至若歷代之禋祀
典章我

朝

列聖之奎章睿藻古今名賢之遊
詠題什具載全集茲不錄之數記
以輔志

萬曆丙午春旦岳伯金谿王民
順書

卷之六

六

西嶽華山志序

左丞王公版行華山志蓋得之咸陽
令王家瑞所購本而以右丞張憲周
所校華志最合之為圖二十有二說
附焉余按馬賡與經籍考有華山記
一卷失作者姓名今本亦可一卷未知是
否而峰巒體勢物產靈秀仙聖遺
跡壇祠故址大都具矣不佞聞之天
高西北地下東南而大地河山從西北

來唐僧一行言北戒自三危積石終南
負地絡之陰南戒自岷山嶓冢負地
絡之陽皆東及太華華山臨兩戒首
所居地高而山復峻天地嚴凝之氣盛
於西北西方曰秋秋之為言愁也古封禪
七十二家在泰山梁父而華山無聞焉
秦以雍州積高神明之隲立時郊上帝
世遂言秦繆公上天時在平地且然而
況華山乎山削成而四方其高五千仞

險僻不通弔詭之士至為華山冠以自
表而巨靈矍跼盤古右手恠異之說
滋盛有神君有金天王有順聖帝有
肅明后有玉女七萬人有儲副有佐理
有太初九旋之冠開天通真之印浩元
倉鬱狩將軍鄒尚姓名此無故人
跡罕至而喬宇鬼瑣易以欺惑愚衆
也今志率舉事理所有不詭於正王
公據經守古宜其愛而傳之矣不佞嘗

衣短後衣扶服而登三峯之首越宿甫
下所經蒼龍嶺老君犁溝諸地信為
險絕然其邑人負鼎俎衾裯從行躡
躡而上不知於色磴石性殊不彊驟第
令鑿深為甬游人自無可怖且治道費
孰與土木金碧而卒未有任之者何也
豈神道設教以示尊威令人無敢狎忤
耶抑懼夫世主侈心形民之力者東封
西祀無已時也而故難之耶去之二十

七年懷恠不得其故讀公志心戚戚矣
稽古唐虞建官內有四嶽總領四方諸
侯而周天子之老二人分天下為左右
曰二伯召公為太保率西方諸侯入應
門左是已天子秋巡狩至於西嶽柴而
望祀山川朝諸侯方嶽之下省問風俗
考禮正刑一德以尊天子禮祭法山林
川谷丘陵能出雲為風雨民所取財
用也非此族不在祀典是以五嶽視三

公明有禮樂幽有鬼神嶽牧與嶽鎮
氣機相感行事相因道有固然無足
異者今天下自兩都外布政司十有三
其長為左右使外臣秩位無兩大內六
卿分職而二使無所不經營文武吏
民無所不率屬寄任隆重與四嶽二
伯同華山當公封內禮所謂諸侯在
其地者則祭之公不競不綈敷政優
優其於嶽神合吉凶矣是志也黠奇

袞歸之平康正直蓋穆然咨嗟有
唐虞成周之思焉廼若廣異聞供
談麈紀勝槩快游目特識其小者耳
南新市人李維楨本寧父謨

（The main body of the page contains several vertical columns of text, which are extremely faint and illegible due to the quality of the scan. The text appears to be arranged in a traditional Chinese format, with characters written vertically from right to left.)